

Акафист написан святым праведным отцом Иоанном Кронштадтским

Акафист святому праведному Артемию Веркольскому

Миссионерский листок храма св. прав. Иоанна Кронштадтского
к празднованию памяти св. прав. Артемия Веркольского
<http://www.hamburg-hram.de>

2009 год

Краткое жизнеописание св. прав. Артемия и история Свято-Артемиево-Веркольского монастыря

Святой праведный Артемий Веркольский родился в 1532 г. в селе Верколе Двинского края, в благочестивой крестьянской семье. Воспитанный в страхе Божиим и христианском благочестии, св. Артемий еще и в детстве отличался кротостью, послушанием и трудолюбием. В возрасте 12 лет, работая в поле, он был убит молнией. Суеверные односельчане оставили тело блаженного Артемия, как умершего от внезапной смерти, неотпетым и положили его в лесу, поверх земли, прикрыв хворостом и берестой.

Так пролежало оно, всеми забытое, 32 года. Но в 1577 г. мощи св. Артемия были чудесно обретенны нетленными и прославились многими чудесами и исцелениями болезней. Так, во время распространившейся в Двинском краю злокачественной лихорадки веркольский селянин Калинник, взяв с гроба св. Артемия бересту, привесил ее к кресту на груди умиравшего сына, и тот получил исцеление.

Впоследствии были написаны иконы праведного Артемия. От досок, на которых их писали, оставались стружки. От них больные также получали исцеления от своих недугов. На месте обретения мощей св. отрока был основан монастырь, где и положили его святые мощи.

В 30-х годах XVII века был основан Веркольский монастырь. Это событие связано с именем воеводы Афанасия Пашкова. Однажды, проезжая через Верколу, он не счел нужным поклониться мощам святого Артемия, хотя местный священник ему советовал. Вскоре его двенадцатилетний сын тяжело заболел, и все опасались за жизнь мальчика. Тогда отец раскаялся в своем грехе - невнимании к святыне - и летом 1635 г. вместе со всей семьей и больным сыном, прошел до Верколы около 40 верст пешком, молясь и не вкушая пищи. У мощей отрок выздоровел.

Благодарный воевода построил на месте обретения мощей церковь, оградил ее и поставил кельи для монашествующих. Вскоре здесь был образован монастырь во имя святого Артемия, а в 1649 г. сюда перенесли его мощи.

Святого Артемия Веркольского особенно почитал святой праведный Иоанн Кронштадтский, он же написал акафист святому. Ежегодно во время поездок в родное село Сура, расположенное чуть выше Верколы по течению Пинеги, он останавливался в хорошо известном ему с детства Веркольском монастыре и служил молебны. В 1897 г. Кронштадтский пастырь освятил построенный на его средства величественный Успенский собор в Веркольской обители.

Ежегодно сюда стекались паломники со всех концов страны. Российские государи жертвовали в обитель облачения, колокола, крупные суммы денег. Храмы в честь праведного Артемия стояли и в Москве, и в Вятке, и в других городах.

Расцвет монастыря пришелся на конец 19-ого века, когда настоятелем стал иеромонах Феодосий (Орехов), впоследствии архимандрит. «Нет человека - нет ничего, есть человек – все будет». Трудями отца Феодосия монастырь стал первоклассным, провели почту, построили часовню на месте преставления отрока.

После революции Веркольский монастырь был закрыт и разорен. 5 августа 1990 года, после почти 70-летнего перерыва, прошла первая служба в часовне, на месте преставления праведного Артемия, недалеко от монастыря. Первая служба в самой обители, возвращенной Церкви, состоялась на праздник Рождества Христова 1992 года.

Как добраться в Артемие-Веркольский монастырь?

1) Архангельск. 2) Поезд Архангельск – Карпогоры (6 часов пути, ходит раз в сутки). 3) Такси/маршрутка Карпогоры – Веркола. 4) Через Пинегу на лодке и вы в долгожданной обители. Если решите посетить монастырь – обязательно свяжитесь с ним, чтобы за вами прислали лодку.

Для пожертвований:

СВЯТО-АРТЕМИЕВО ВЕРКОЛЬСКИЙ МУЖСКОЙ МОНАСТЫРЬ

р/с 40703810004010100176

в Архангельском ОСБ № 8637

БИК 041117601

к/с 30101810100000000601

в ГРКЦ ГУ ЦБ РФ по Архангельской области

ИНН 2919000674

КПП 291901001

164 606, Архангельская обл. Пинежский р-н,

д. Веркола, монастырь

Тел. 8(81856) 7-41-30

Кондак 1

Избранному праведнику, дивному предстателю пред Богом, пресветлому светильнику северных стран наша, боголюбивому и боголюбезному отроку Артемию, благодетельными чудотворениями утешающему и наставляющему поклоняющихся с верою святей раце твоей, благодарственная восписующе, радостно и торжественно взываем:

Радуйся, предстателю наш, Артемие праведный.

Икос 1

Ангельский нрав и душу непорочную имея от святых купели крещения, избегл еси обычных света сего суетств и соблазнов, чужд был еси претыканий и падений, втайне чистым сердцем моляся к Единому Всеблагому Богу милостиво взирающему на кротких и смиренных. Сего ради единогласно вопием ти:

Радуйся, между человеки дивное явление святыни;

Радуйся, Отцу Небесному возлюбленный.

Радуйся, Сыну Божию вождельный;

Радуйся, Святому Духу сосуде драгий и чистый.

Радуйся, Царицы Небесных пламенный почитателю;

Радуйся, святым ангелом истинный друже и единомравниче.

Радуйся, праведником святым всем сликовниче;

Радуйся, Церкви Христовой украшение.

Радуйся, делателю благий, в мале верный, над многим поставленный;

Радуйся, вшедый в радость Господа твоего.

Радуйся, носяй венец нетления;

Радуйся, прославленный от Господа Бога дарованием исцелений.

Радуйся, предстателю наш, Артемие праведный.

Кондак 2

Видя чистоту сердца твоего благопромыслитель Бог, призирающий всевидящим оком своим на всю тварь, исполни душу твою благодати Своея от чрева матере. Прославляя убо Его дивное и благое о тебе промышление, поем о тебе хвалебно: Аллилуиа.

Икос 2

Вкусив во младости блаженного жития твоего сладость Божественных благодати, чуждый мирских утех отроков, ты был еси потаенный сердца человек в нетленном украшении кроткого и молчаливого духа, еже есть, по Апостолу, пред Богом многоценно. Приими убо от певцев твоих хвалу сию:

Радуйся, смиренного и благодатного отрочества Христова подражателю;

Радуйся, благодати Божией хранителю.

Радуйся, родителей твоих почитателю;

Радуйся, в дому отчем образ кротости и послушания.

Радуйся, сверстников твоих пример благонравия;

Радуйся, хранителю чистоты сердца.

Радуйся, сокрушения сердечного таинниче;

Радуйся, приятное благоухание духовного умиления.

Радуйся, не приемший искуса мирских сладостей;

Радуйся, от греховных страстей свободу улучивый.

Радуйся, благоговейное отроча, стяжавшее духа страха Божия;

Радуйся, боголюбезное чадо, паче жизни твоя возлюбившее Христа Бога.

Радуйся, предстателю наш, Артемие праведный.

Кондак 3

Силою Всесвятаго Духа укрепленный, блаженне Артемие, прияв несокрушимый щит веры, и непобедимое оружие животворящий Крест Христов, знамение страшное для злых духов, сохранил еси себе цела и невредима от злокозненных сих врагов, поя Богу: Аллилуиа.

Икос 3

Имея всегда и во всем упование на Бога Промыслителя, и в убогом отчем дому пребывая, в поте лица твоего приобретал еси пропитание; но лишенный земных благ, по воле Божией, явился еси причастником вечных небесных благ, праведне Артемие. Похваляя убо твою нищету, лишения и нужды, приветственно вопием ти:

- Радуйся, образе кротости и трудолюбия явивый;
- Радуйся, нищету, нас ради обнищавшаго, Христа Бога возлюбивый.
- Радуйся, житейских зол не причастный;
- Радуйся, грехолюбных корыстей чуждый.
- Радуйся, за лишение земное утешенный райскими наслаждениями;
- Радуйся, за кротость и смирение, наследниче Царствия Небеснаго.
- Радуйся, за нужды временныя сподобивыйся изобилия благ вечной нескончаемой радости;
- Радуйся, за чистоту сердца удостоивыйся лицезреть Бога вкупе со святыми ангелы.
- Радуйся, не прилагавый сердца к благам мира сего непостоянным;
- Радуйся, искавый небесных нетленных благ в молитве домашней и церковной, и в общении Таин Христовых.
- Радуйся, исполненный Божественныя любви;
- Радуйся, причастниче безсмертныя трапезы.
- Радуйся, стяжавый смирением высокая и нищетою богатая, по подражанию святителю Николаю;
- Радуйся, храма его в жизни твоей молитвенник бывый.
- Радуйся, яко мзду многу приемый от Господа Бога на небесех.
- Радуйся, предстателю наш, Артемие праведный.

Кондак 4

Буря страстей и треволнений житейских не постиже тя, имеющаго в сердце твоем мир Божий, вселивыйся богатно в тя, блаженне Артемие; Ветры непостоянных учений, не волновали мирныя души твоя. Сего ради являя яко Иосиф, мир братии твоей, провел еси дни живота твоего в мире, тишине и безмолвии, и мир Божий, обитающий в глубине духа твоего, возбуждаше пети тя непрестанно, Богу: Аллилуиа.

Икос 4

Слушая от закона Божия словеса жизни вечныя, и имея помазание от Святаго Духа, ведал еси благим чувством вся, не требуя, да кто учит тя, но яко то само помазание учаше тя о всем, по слову возлюбленнаго ученика Христова; воскрилився же Божественным дарованием отроча младо вознеслся еси на высоту христианскаго благочестия и кротости, Богу возлюбленне Артемие. Сего ради дивное о тебе смотрение Божие славяще, со дерзновением вопием ти:

- Радуйся, спасительнаго внимания себе дивный нам пример;
- Радуйся, молчания образ.
- Радуйся, мудрости духовныя светлое зеркало;
- Радуйся, источниче исцелений.
- Радуйся, чудотворче предивный;
- Радуйся, сокровище целомудрия.
- Радуйся, цвете чистоты и незлобия.

Радуйся, невинности сосуде.
Радуйся, цвете ангельския праведности;
Радуйся, многоценный каменю райския жизни.
Радуйся, сияние небесных светлостей.
Радуйся, предстателю наш, Артемие праведный.

Кондак 5

Живоносный ток благодати Христовой восприяв благим и добрым сердцем, праведне Артемие, устремился еси совершенно в след Христа Спасителя нашего, и восхищаясь богатством благодати, премудрости и человеколюбия Божия, явленного в искуплении грешнаго человечества, пламенел еси любовью к Спасителю нашему, и во умилении сердца воспевал еси Ему: Аллилуиа.

Икос 5

Видевше купножителю твои преспевающа тя благочестием и разумом, праведне Артемие, прославляху благоволение Божие, утаевающее от премудрых и разумных богатство благодати и ведения ея, по слову Спасителя, и открывающее та младенцем. Темже и мы, радуящиеся написанию имене твоего на Небесех, с утешением возносим тебе хвалебныя песни:

Радуйся, избранный сосуде Божия благодати;
Радуйся, приятелище даров Духа Святаго.
Радуйся, исполненный дарования чудес исцелений;
Радуйся, вышняя премудрости Божией приемниче.
Радуйся, разума духовнаго сокровище;
Радуйся, благий для нас советниче.
Радуйся, исполненный спасительнаго ведения;
Радуйся, пламень неугасающий любве.
Радуйся, всесветлая звезда, блистающая на тверди церковней;
Радуйся, отрада печальным.
Радуйся, немоществующих врачу;
Радуйся, обуреваемых помощниче.
Радуйся, предстателю наш, Артемие праведный.

Кондак 6

Проповедник первый прославленнаго тела твоего, клирик церкви святителя Николая, ища в лесной чащи плодов земных, обрете сокровище неоцененное, нетленныя мощи твоя, праведне Артемие, чрез тридесять три лета не поврежденныя переменами стихий, и с благодарным чувством преклонь колена, восклицаше к Богу: Аллилуиа.

Икос 6

Возсиял еси в пустынном месте дебри лесныя, якоже утренняя звезда после мрака ношнаго, и просветил еси скоро население градов, древния Кевроли, Пинеги, Архангельска, Вологды и далеких стран, сиянием благодетельных чудес твоих. И ныне никтоже умолчит вопити тебе:

Радуйся, великое светило, тьму неведения просвещающее;
Радуйся, сокровище духовное, верных богатящее.
Радуйся, чистая струя благодати Божией.
Радуйся, стране твоей северней слава и утверждение.
Радуйся, якоже чистый ангел песни богокрасныя воспевай, и к тому обитель твою руководяй;
Радуйся, чистая птица, в гнезда небесная приятая.
Радуйся, яблоко благовонное, верных души благоухающее.
Радуйся, прекрасная лилие верных сердца услаждающая.

Радуйся, молодая ветвь райского древа, израстившая сладкий плод духовный Пресвятей Троице;
Радуйся, немерцающий луч православного учения.
Радуйся, маслино Церкви Христовы, источающая нам дивный елей милости Божией.
Радуйся, виноградная лоза, напаяющая нас отрадным упованием на спасительная обетования;
Радуйся, смоковнице, сладостию своею греховную горечь отражающая.
Радуйся, предстателю наш, Артемие праведный.

Кондак 7

Хотящу Всевышнему Мироправителю призвати Своего праведника в небесныя скинии, манием от престола велелепныя Его славы, возшуме над землею буря, страшно возгремеша грома, возблиста и разлися ужасно, яко пламень, молния, и в прикосновении ужаса ко внутренним чувством юнаго отрока, взята ангелами душа праведника, сретаемая безплотными силами, радующимися о друге своем, и в веселии воспевшими Богу: Аллилуиа.

Икос 7

Дивно бысть твое призвание в Небесный Иерусалим; от земнаго бо труда на лоно Авраамово, и от малолюднаго места в премирную славу величественно пренесена бысть блаженная душа твоя, праведне Артемие, воздуху шумящу, громам и молниям свирепеющим, и водам от движения ветра, яко руками, плещущим. Темже и мы ликуя, воспоем:

Радуйся, новый о нас к Богу предстателю.
Радуйся, в вечный покров приснодевствующия Царицы вшедый.
Радуйся, ангелом собеседниче;
Радуйся, рая небеснаго жителю.
Радуйся, безстрастия наследниче праведный;
Радуйся, свидетелю нам жизни безсмертныя.
Радуйся, избежавый воздушных истязателей, пораженных стрелами молнии при твоём отшествии на небо;
Радуйся, не узревший мерзких демонских зраков.
Радуйся, райская ветве, благоуханием веселящая;
Радуйся, благовонная едемская роза, души наша благоухающая.
Радуйся, прекрасный грозде на трапезе царевой положенный;
Радуйся, теплый наш молитвенниче.
Радуйся, предстателю наш, Артемие праведный.

Кондак 8

Странно и недоуменно твое воспитание, праведниче; разума бо Божия исполнился еси, и святыни духа достигл еси, ни от кого же из человек учившись; сокровенно от современников и дивно им бысть твое в юных летех благочестие и преставление твое. Но чудныя твоя исцеления, и различныя чудодействия возносят наша гласы к славословию о тебе Божию, еже непрестанно и радостно пети: Аллилуиа.

Икос 8

Весь был еси в Боге богомыслием, и укрепляемый Божией благодатию неприступен явился коварному змию, наблюдающему пяту шествующих тесным путем. Руководи убо и нас непреткновенно ходити путем заповедей Христовых, да благодарно вопием ти:
Радуйся, путеводителю наш дивный;
Радуйся, кроткий наставниче всех спасаемых.
Радуйся, персте Божий, указующий нам горня;.
Радуйся, гласе небесный, зовущий всех на подвиги спасения.

Радуйся, чистая голубице, имущая ветвь райскую;
Радуйся, духовная ластовице, показующая в нетлении весну грядущаго века.
Радуйся, предстателю наш, Артемие праведный.

Кондак 9

Все естество ангельское, в радостный трепет пришед, воздаде хвалу Богу: Свят, Свят, Свят, Господь Саваоф, егда невинная и чистая душа твоя, неврежденная от многих страхований бесовских, и перенесенная в премирную жизнь, поклонися Триипостасному Божеству, воспевши Ему со всеми святыми: Аллилуиа.

Икос 9

Витии многословеснии, не могущии усмотрети оком разума, омраченнаго гордостью и страстьми, премудрости творческия в устроении вселенныя, не могут уразумети прославления мощей святаго угодника Божия. Мы же совершенною верою в простоте сердца возглашаем тебе, прославленный молитвенниче наш:

Радуйся, предавший верным в залог любве нетленные своя мощи;

Радуйся, уверяяй нас в истине Воскресения и жизни вечныя.

Радуйся, исполнимый на себе слово Божие: хранит Господь вся кости праведных;

Радуйся, утвердивый исполнением слово Христа Бога: влас главы вашея не погибнет.

Радуйся, с честью принесенный из дебри в православный храм для общаго чествования и поклонения;

Радуйся, свидетельствуемый от Господа Бога даром чудотворений.

Радуйся, яко чистая рака святых мощей, и ныне привлекает сердца обетных страннолюбцев на поклонение тебе;

Радуйся, явивый истину словес Писания: в память вечную будет праведник, и праведник яко финикс процветет, и яко кедр иже в Ливане умножится.

Радуйся, заграждай уста пререкающая;

Радуйся, обуздываяй язык неверия и хулы.

Радуйся, смиряяй гордыню дерзающим на святыню;

Радуйся, разум кичливый пленяяй в послушание Христовой веры.

Радуйся, в духе блаженныя простоты и незлобия достигнувый неба.

Радуйся, предстателю наш, Артемие праведный.

Кондак 10

Спасти хотяща всякаго человека, искренно молил еси наставити тя на путь спасения, и благодатию Божиею озарившею тя, пришел еси в Небесный Иерусалим, идеже узрев лицом к лицу Того, Егоже имя, яко миро излиянное, тамо воспеваеши непрестанно славу Богу: Аллилуиа.

Икос 10

Стена тверда и несокрушима ограда обители, святому имени твоему посвященной, суть неусыпныя твоя к Богу молитвы, святыи праведный Артемие. Темже живущии в ней благодарно возносят к тебе гласы:

Радуйся, хранителю наш крепкий.

Радуйся, неусыпный защитниче наш.

Радуйся, наставников наших охраняющий от пагубных бедствий;

Радуйся, испущаяй на врагов стрелы страха.

Радуйся, щите твердый паче медяннаго;

Радуйся, броня правды, отражающая каменометания адских муринов.

Радуйся, обители монахов и всей стране нашей похвала и утверждение.

Радуйся, труждающихся помощи;

Радуйся, молчаливых и кротких радости.

Радуйся, больных исцеление;

Радуйся, немощных укрепление.
Радуйся, унылых бодросте;
Радуйся, скорбящих утешение.
Радуйся, предстателю наш, Артемие праведный.

Кондак 11

Пение наше хвалебное тебе, живущему во славе Отца светов, ныне возсылаемое, недостойно есть, яко от нечистых устен возносимое; но сам прииди посреде нас, неждиваемый источниче чистоты и целомудрия, очисти наша сердца и души помышления, да тебе ради благоприятно будет совокупное наше восклицание Всещедрому Богу: Аллилуиа.

Икос 11

Светом заповедей Божиих озаренный из млада, скоро возшел еси к Триипостасному Свету, пред Нимже ходатайствуеши и о нашем просвещении, о немже умоляюще, с любовью вопием ти:

Радуйся, звездо не вечерняго света;
Радуйся, луче света, согревающая нашу хладность.
Радуйся, свеще, просвещающая нашу темноту;
Радуйся, яко огонь возгреваяй нас к любви возлюбившаго нас Христа Бога.
Радуйся, мысленно прикасайся, яко уголь, хладным сердцам;
Радуйся, золотая лампада, возжженная для умилоствления Праведнаго Судии.
Радуйся, светилниче духовный, освещающий верным путь спасения;
Радуйся, огненная печь, пожигающая терние грехов наших.
Радуйся, горнило, курящее молитвенный аромат;
Радуйся, кадило издающее дивное смирения благоухание.
Радуйся, горящий пламеню, истребляющий нечестие.
Радуйся, предстателю наш, Артемие праведный.

Кондак 12

Благодать Божественную испроси нам святыи угодниче Божий, да присно покрывает нас от врагов видимых и невидимых, да научит ны подражати тебе в чистоте ангельстей и незлобии, да направит сердца наша к смирению, покаянию и неослабному исполнению заповедей Христовых; да дарует нам христианскую кончину и безбедно проведет нас чрез воздушный путь, да сподобимся тамо узрети славу Великаго Бога, и вечно пети Ему: Аллилуиа.

Икос 12

Поюще тебе ныне, аще и недостойныя, но усердныя хвалы бранными и нечистыми устами, благоговейно молим тя, святыи праведный Артемие: призри на многия наша немощи душевныя и телесныя, и подаждь нам помощь к совершению добрых дел, и ко всегдашнему прославлению святаго твоего имени, вопиющим ти:

Радуйся, воине Царя царствующих;
Радуйся, слуго Господа господствующих.
Радуйся, рабе верный Владеющаго всяким созданием;
Радуйся, венчанныи венцем нетления от Самаго нетленнаго Бога.
Радуйся, украшенныи нетленною диадимомоу Царствия Христова;
Радуйся, облеченныи в блестящую порфиру за чистоту сердца и незлобие.
Радуйся, приемый от руки Божия перстень сыноположения;
Радуйся, наследниче Небеснаго Вечнаго Царствия.
Радуйся, предстателю мощный, споборствуй православному правителю нашему на ратующих;
Радуйся, вождю, способствуй невидимо во бранех нашему воинству.

Радуйся, защищай пределы нашего Отечества твердым щитом твоего покрова;
Радуйся, спасения нашего споспешник и ходатай твоими ко Господу Богу о нас грешных молитвами.

Радуйся, предстателю наш, Артемие праведный.

Кондак 13

О предивный угодниче Божий и прелюбимый чудотворче, Артемие! Ради милости Божией и предстательства Владычицы, молим твою святыню, милостив буди святей обители твоей, и всем призывающим тя с любовью и упованием. По своей чистоте и праведности, испроси у Господа Бога прощение наших прегрешений и ревность к добрым делам, да прочее время живота нашего проживем во всяком благочестии и чистоте, и сподобимся на Страшном Суде одесную стати Судии, Христа Бога нашего, и во веки веков с тобою пети человеколюбцу Богу: Аллилуиа.

Этот кондак читается трижды, затем икос 1-й и кондак 1-й.

Молитва

Святой угодниче Божий, праведный Артемие, присный хранителю святая веры Православная и близкий защитниче всего севернаго края Российския страны!

Призри милостивно на усердную молитву нас, грешных, и твоим благомошным предстательством испроси нам у Господа прощение согрешений наших, преспеяние в вере и благочестии и ограждение от козней диавольских.

Моли Господа, да хранит во здравии и непременимом благополучии верных людей своих, да подаст стране нашей мир и тишину, а нам нелицемерное послушание; да сподобит всех нас получитьи, по христианстей кончине, Небесное Царствие, идеже вси праведнии вместе с тобою, вечно славят

Отца и Сына и Святаго Духа.

Аминь.

Тропарь праведному отроку Артемию Веркольскому

Тропарь, глас 2-й:

Вышняго повелением, тученосным облаком, небо помрачившим и молниям блистающим, грому же возшумевшему с прещением, испустил еси душу твою в руке Господеви, премудре Артемие, и ныне предстоиши Престолу Владыки всех, иже верою и любовью приходящим к тебе, подая исцеление всем неотложно и моляся Христу Богу спастися душам нашим.

Кондак, глас 8-й:

Возсия днесь пресветлая память премудраго Артемия; богоданная благодать, яко реки, изливает от целебных мощей его дивная исцеления, имиже от многообразных недуг избавляемся, с верою приемлюще я и взывающе: радуйся, Артемие богомудре.

Величание

Величаем тя, страстотерпче Христов, Артемие, и чтим святую память твою, ты бо молиши за нас Христа Бога нашего.

Память

23 июня (старый стиль)/6 июля(новый стиль) и 20 октября/2 ноября